

BIYOGAFI

Kenneth H. Merten
Anbasadè peyi Etazini nan peyi Dayiti
24 Dawout 2009



*Kenneth H. Merten,
Anbasadè peyi Etazini nan
peyi Dayiti*

Kenneth Merten gen anpil lane depi li ap travay kòm yon diplomat. Li te kòmanse travay nan sèvis diplomatik nan lane 1987 e li te okipe de fonksyon deja nan peyi Dayiti. Anbasadè Merten tap travay kòm Sekretè Ekzekitif Adjwen pou Sekretè Deta Ameriken-an Hillary Clinton. Li te okipe menm pozisyon sa-a sou ansyen Sekretè Deta Condoleezza Rice. Anbasadè Merten te sèvi kòm diplomat nan Anbasad peyi Etazini ki chita nan vil Pari, nan peyi Lafrans; Anbasad peyi Etazini nan Pòtoprens, Ayiti; Misyon peyi Etazini nan Linyon Eropeyèn ki nan Briksèl, nan peyi Beljik ak Anbasad peyi Etazini nan vil Bonn. Nan Wachinton, Anbasadè Merten te okipe 2 pozisyon nan Sant Operasyon Depatman Deta ki ap sipotè travay ak deplasman Sekretè Deta-a genyen pou li fè chak jou. Li te travay tou nan Biwo ki okipe Zafè Ekonomik ak Komèsyal menm jan li te gen chans pou li travay nan Biwo ki okipe keksyon ki gen rapò ak peyi Kiba. Li te travay tou pou Konseye Espesyal ki tap okipe dosye peyi Dayiti nan lane 1993 ak 1994.

Anbasadè Merten gen yon lisans nan Administrasyon li te pran nan Inivèsite Miyami, nan Owayo. Li genyen yon metriz tou nan Administrasyon Piblik nan Inivèsite Ameriken. Li te etidye nan peyi Lafrans nan Inivèsite d'Aix-Marseille ak nan peyi Lotrich nan Inivèsite Karl Franzens Universität pou li te fin konplete rès etid li.

Anbasadè Merten fèt nan vil Senlwi ki nan Missouri men se vil Oudsonn, Owayo li konsidere kòm kote li fèt. Madam li rele Susan Greenman Merten. Yo gen de pitit. (Tèks la fini)